



Sámi allaskuvla
Sámi University of Applied Sciences



SÁMEDIGGI
SAMETINGET



Bovdehus

SÁMI OAHPAHUSKONFERÁNSA 2021

Eamiálbmogiid pedagogalaš filosofija

mánáidgárddis, skuvllas ja alitoahpahas

Golggotmánu 05. – 07. b. 2021

Diehtosiida, Guovdageaidnu, Norga

Iežamet árvvut buolvvas bulvii

Sámi allaskuvla ja Sámediggi Norgga beal Sámis lágidit gaskariikkalaš oahpahuskonferánssa Sámedikki prošeavtta *Sámi mánát odđa searvelanjas* (SÁMOS-prošeavtta) olis. Konferánssa ulbmilin lea beassat lonohallat eamiálbmogiid oahpahanvásáhusaid ja buktit oidnosii sámi mánáidgárddiid, skuvllaid ja alitoahpahusa, ja maiddáa internationála eamiálbmotoahpahusa, vásáhusaid ja mitalusaid.

Go iešguđet eamiálbmogat lonohallet vásáhusaideaset, de lea dát doarjjan ja vuodđun eamiálbmogiid pedagogalaš filosofijai, maid pedagogat, oahpaheaddjit ja dutkit sáhttet ávkástallat oahpahas. Konferánssa fáttát leat:

- Mánáid ja nuoraid árgabeaivi oahpahas
- Luondu oahppama vuolggasadjin
- Eamiálbmogiid máhtuid ja gielaid nanosmahttin ja ealáskahttin
- Eamiálbmogiid bajásgeassima ja oahpahusa dekoloniseren

Mii bovdet mánáidgárdebargiid, -oahpaheddjiid ja -eaiggádiid, vuodđo- ja joatkkaskuvllaid ja alitoahpahasaid oahpaheddjiid ja jođiheddjiid, dutkiid ja studeanttaid, juogadit iežaset dutkama ja oahpahusa.



Sámi allaskuvla
Sámi University of Applied Sciences



SÁMEDIGGI
SAMETINGET



Jus háliidat ovdanbuktit du oahpahus- dahje dutkanbarggu, sádde abstrávtta dahje oanehis ovdanbuktima čilgehusa sisa. Abstrávtta galgá sisttisoallut bajilčállaga, ulbmila ja oanehis čilgehusa. Guhkodat galgá leat 200-500 sáni. Konferánssa lávdegoddi árvvoštallá buot abstrávttaid ja gávdná daidda heivvolaš saji konferánssa prográmmas.

Dá leat ovdanbuktinvuogit maid sáhtát válljet:

- **Bargobadji-** *sádde sisa abstrávtta mas bargobaji ulbmila ja ovdanbuktinvuogi čilgejuvvo. Konferánssa lávdegoddi áinnas sávvá ovdanbuktimiid mas oasálastit sáhttet searvat praktihkalaš, kreatiivvalaš ja estehtalaš bargguide, ja ságastallamii. Ovdanbuktimii sáhtta geavahit digitála veahkkeneavvuid, oahppomateriálaid, estehtalaš dahje árbevirolaš neavvuid dahje materiálaid.*
- **Duddjon & lávostallanbottoš** (árbevirolaš máhtu lonohallan lávus) - *sádde sisa abstrávtta mas bargobaji ulbmila ja ovdanbuktinvuogi čilgejuvvo. Konferánssa lávdegoddi áinnas sávvá ovdanbuktimiid main oasálastit sáhttet searvat praktihkalaš, kreatiivvalaš ja estehtalaš bargguide ja ságastallamii. Ovdanbuktimii sáhtta geavahit digitála veahkkeneavvuid, oahppomateriálaid, estehtalaš dahje árbevirolaš neavvuid dahje materiálaid.*
- **Diedalaš oanehissáhkavuorru dahje báhpira ovdanbuktin**– *sádde sisa abstrávtta ja konfereanssas doallu 20 min. báhpira ovdanbuktima, mas 5 min. sáhtta geavahuvvot jearaldagaide ja ságastallamii. Abstrákta diedalaš oanehissáhkavuoruide galgá sisttisoallat dutkangažaldaga/ulbmila, teorehtalaš vuoddu, dutkanmetoda, ja (vurdojuvvon) bohtosa. Bábir lea ovdanbuktojuvvon báldalágasešuvnnas. Njeallje báhpira ovdanbuktojuvvojit ovddas juohke báldalágasešuvnnas. Konferánssa lávdegoddi áinnas sávvá dutkan- ja ovdánahttinprošeavttaid ovdanbuktimiid. Bábir sáhtta ovdanbuktit gárvves dutkanbohtosa, dutkama mii lea jođus dahje dutkanjurdagiid.*
- **Oahpahusa ovdanbuktin dahje logaldallan** – *sádde sisa abstrávtta ja konfereanssas doallu 20 min. logaldallama, mas 5 min. sáhtta geavahuvvot jearaldagaide ja ságastallamii. Logaldallan lea ovdanbuktojuvvon báldalágasešuvnnas. 4 logaldallama ovdanbuktojuvvojit ovddas juohke báldalágasešuvnnas. Konferánssa lávdegoddi áinnas*



Sámi allaskuvla
Sámi University of Applied Sciences



SÁMEDIGGI
SAMETINGET



sávvá oahpahusa ovdanbuktimiid, sáhtta leat ovdal čađahuvvon oahpahusa dahje oahpahusa mii lea jođus.

- **Poster- ja filbmačájáhus** - *sádde sisa abstrávtta, čájeha postera dahje filmma čájáhusas ja doallu 10-15 min. ovdánbuktima mas jearaldagat ja ságastallamat lea oassin. Konferánsa lándegoddi áinnas sávvá poster- ja filbmaovdanbuktimiid mat vástidit konferánsa ulbmilii ja fáttáide.*

Konferánsagielat leat sámeigiella, eŋgelasgiella ja davviriikalašgielat. Mii sávvat ahte sámeigielat logaldallit geavahit sámeigiela. Logaldallamat váldokonferánsalanjas dulkojuvvojit.

Fuomáš! Sámi mánáidgárde- ja skuvlaoahpaheaddjit, geat dollet ovdanbuktima eai dárbbas máksit konferánsadivvaga.

Jus leat jearaldagat, geahčča [SÁMI OAHPAHUSKONFERÁNSA 2021 | Sámi allaskuvla \(samas.no\)](https://www.samas.no)